

Na osnovu člana 13. stav 2. Zakona o principima lokalne samouprave u Federaciji BiH («Službene novine FBiH», br. 49/06 i 51/09), čl.10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i čl. 6. i 16. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22 i 45/22), Općinsko vijeće Centar Sarajevo je, na 23. redovnoj sjednici, održanoj dana 01.12. 2022. godine, donijelo

O D L U K U
o dodjeli u zakup poslovnih prostorija
Općine Centar Sarajevo u ulici Dejzina Bikića 6

Član 1.

Dodjeljuju se u zakup na 2 (dvije) godine poslovne prostorije u ulici Dejzina Bikića 6, površine 139,54 m² neposrednom pogodbom po osnovu prava prvenstva JU „Djeca Sarajeva“ Sarajevo za obavljanje djelatnosti iz oblasti predškolskog odgoja i obrazovanja, sa iznosom zakupnine od 1,00 KM/m².

Član 2.

Na osnovu Odluke, Općinski načelnik će sa korisnikom iz člana 1. Odluke zaključiti ugovor o zakupu poslovnih prostorija.

Član 3.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“.

Broj: 01-19-7114/22
Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar Sarajevo dana **05-12-2022**

Na osnovu člana 13. stav 2. Zakona o principima lokalne samouprave u Federaciji BiH («Službene novine FBiH», br. 49/06 i 51/09), čl.10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i čl. 6. i 16. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22 i 45/22), Općinsko vijeće Centar Sarajevo je, na 23. redovnoj sjednici, održanoj dana 01.12.2022.godine, donijelo

O D L U K U
o dodjeli u zakup poslovnih prostorija
Općine Centar Sarajevo u ulici Pehlivanuša 23

Član 1.

Dodjeljuju se u zakup na 2 (dvije) godine poslovne prostorije u ulici Pehlivanuša 23, površine 24 m² neposrednom pogodbom po osnovu prava prvenstva Milidrag Zvezdani iz Sarajeva za obavljanje djelatnosti slobodnih umjetnika – atelje, sa iznosom zakupnine od 6,00 KM/m².

Član 2.

Korisniku iz člana 1. Odluke poslovne prostorije se dodjeljuju u zakup pod uslovom zaključenja notarski obrađenog Ugovora o zakupu sa klauzolom izvršnosti, pri čemu snosi troškove izrade notarski obrađenog ugovora, ili plaćanjem pologa na račun Općine Centar u visini jednogodišnje zakupnine.

Član 3.

Na osnovu Odluke, Općinski načelnik će, sa korisnikom iz člana 1. Odluke zaključiti ugovor o zakupu poslovnih prostorija.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“.

Broj: 01-19-7115/22
Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar Sarajevo dana 05-12-2022

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20) Općinsko vijeće Centar Sarajevo je, na 23. redovnoj sjednici održanoj dana 01.12.2022. godine, donijelo

ODLUKU

O IMENOVANJU ČLANA KOMISIJE ZA STATUT I PROPISE

Član 1.

Za člana Komisije za Statut i propise imenuje se Anaid Redžović.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-146/22

Sarajevo, 01.12.2022. godine

Predsjedavajući Općinskog vijeća

mr. Sejad Božo



Ova Odluka objavljena je na oglasnoj ploči Općine Centar Sarajevo dana

05-12-2022

Na osnovu člana 25. stav 7, člana 32. stav 3 i člana 39. stav 2., Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar, na 23. redovnoj sjednici održanoj dana 01.12.2022. godine, donijelo je

ODLUKU
O PRISTUPANJU IZRADI IZMJENA I DOPUNA REGULACIONOG PLANA
" KOŠEVO "

- Individualni stambeni objekat na k.č. 299/1 KO Sarajevo V -

Vrsta Plana

Član 1.

Pristupa se izradi Izmjena i dopuna Regulacionog plana "Koševo" ("Službene novine Kantona Sarajevo", broj 31/04, 12/06, 27/10, 30/11, 52/12, 18/16, 33/17, 06/18, 21/18, 51/18, i 49/19) – Individualni stambeni objekat na k.č. 299/1 KO Sarajevo V, u daljem tekstu: Plan.

Granice područja za koje se Plan radi

Član 2.

Granica obuhvata izmjene polazi od tačke br. 1 koja se nalazi na međi između parcela k.č. 299/1 i 300, a ima koordinate $y=6533682$, $x=4859466$, potom produžava na jug idući međom parcele k.č. 299/1, i dolazi u tromedju parcela k.č. 299/1, 299/2 i 302. Granica se potom lomi na zapad idući međom parcele 299/2 u dužini od 6m (obuhvata je) i dolazi do tačke br.2 koja se nalazi na parceli k.č. 299/2, a ima koordinate $y=6533663$, $x=4859436$, skreće na sjever, te istok idući planiranom saobraćajnicom (ne obuhvata je) i dolazi do mjesta odakle je opis granice i počeo. Sve gore navedene parcele se nalaze u K.O. Sarajevo V, Općina Centar.

Površina obuhvata iznosi $P=0,03$ ha.

Vremenski period za koji se Plan donosi

Član 3.

Plan se donosi za period do donošenja novog planskog dokumenta.

Smjernice za izradu Plana

Član 4.

Izmjena i dopuna Regulacionog plana „Koševo“ ("Službene novine Kantona Sarajevo" broj 31/04, 12/06, 27/10, 30/11, 52/12, 18/16, 33/17, 06/18, 21/18, 51/18 i 49/19), vrši se u granicama gore navedenog obuhvata, a u cilju stvaranja planskog preduvjeta za izgradnju individualnog stambenog objekta na dijelu k.č. 299/1 K.O. Sarajevo V, prema slijedećim urbanističko-tehničkim uslovima:

- u granici obuhvata Izmjena i dopuna Plana, planirati individualni stambeni objekat;
- planirana spratnost individualnog stambenog objekta je P+1;
- konstruktivna visina etaža stambenog objekta je 280 cm (konstruktivna visina etaže se mjeri od kote gotovog poda jedne, do kote gotovog poda sljedeće etaže);
- krovne plohe rješavati primjenom ravnog krova ili kosog krova (jednovodni) sa blagim nagibom do 10°;

- osnovni urbanistički pokazatelji: dozvoljena zauzetost parcele/procentat izgrađenosti (Pi) do 25%, koeficijent izgrađenosti (Ki) do 0,5;
- maksimalna tlocrtna površina objekta cca 80 m²;
- položaj i horizontalne gabarite objekta usaglasiti sa prostornim mogućnostima parcele, ostvariti adekvatne distance prema susjednim parcelama, prilagoditi rastojanja uvjetima osunčanja i saobraćajnom rješenju, a prema Planom definisanim uslovima izgradnje na uslovno stabilnom terenu okarakterisanom za predmetno područje;
- najmanje 30% površine parcele mora biti prirodno tlo hortikulturno uređeno u okviru vlasničke parcele;
- maksimalno sačuvati postojeću vegetaciju - stablašice i uklopiti ih u buduće rješenje;
- kolski pristup parceli je sa sjeverne strane obuhvata, sa planirane saobraćajnice Regulacionim planom;
- objekat pozicionirati na takav način da se ne nalazi u uglu preglednosti na mjestu priključka novoplanirane saobraćajnice sa primarnom saobraćajnicom - Ulica Nahorevska;
- planirati izgradnju garaže/parking prostora za potreban broj parking mjesta (1 parking mjesto-jedna stambena jedinica);
- potrebno je ažurirati geodetsku podlogu u vektorskom digitalnom obliku u mjerilu 1:1000, sa ažurnim podacima o posjedovnom stanju i ažurnom katastru komunalne infrastrukture;
- neophodno je obezbjediti Detaljni geotehnički izvještaj koji podrazumjeva izvođenje detaljnih geotehničkih radova na mjestu buduće izgradnje objekata koje, prema Zakonu o geološkim istraživanjima Kantona Sarajevo (Sl. N. Br. 41/12, Čl. 22.), izvodi privredno društvo koje je registrovano za ovu djelatnost kod mjerodavnog suda, a koja ima rješenje Federalnog ministarstva energije, rudarstva i industrije o ispunjavanju uslova za bavljenje registriranom djelatnošću iz oblasti geologije. Broj i dubinu bušotina određuje privredno društvo koje bude angažovano za izradu Detaljnog geotehničkog izvještaja u zavisnosti od geoloških, geomorfoloških, geotehničkih, hidrogeoloških i seizmičkih karakteristika terena, egzogenih procesa i pojava, dubine fundiranja objekata i ostalih parametara koji utiču na stabilnost terena;
- prema Zakonu o geološkim istraživanjima Kantona Sarajevo (Sl. N. Br. 41/12, Čl. 22.), potrebno je obezbjediti i Reviziju Detaljnog geotehničkog izvještaja;
- priključke na infrastrukturnu mrežu utvrđenu važećim Planom projektovati u saradnji sa nadležnim javnim komunalnim preduzećima.

Rokovi za pripremu i izradu Plana

Član 5.

- Odluka o pristupanju izradi Plana: novembar 2022. godine
- Prijedlog Plana: 30 dana od obezbjeđenja podloga i IG izvještanja.
- Javna tribina (upoznavanje javnosti): U trajanju 15 dana od isporuke Prijedloga Plana.
- Usvajanje Plana: 40 dana nakon završetka Javne tribine.

Način osiguranja sredstava za izradu Plana

Član 6.

Izmjenu i dopunu Plana će uraditi Zavod za planiranje u okviru vanprogramskih aktivnosti. Sredstva za izradu Plana u iznosu od 10.500,00 KM osigurati će Općina Centar Sarajevo putem krajnjeg investitora, na način da se avans od 50% plaća po potpisivanju Ugovora, a ostalih 50% iznosa po isporuci Prijedloga Plana.

Nosilac pripreme Plana i Nosilac izrade Plana

Član 7.

Nosilac pripreme Plana je Općinski načelnik.
Nosilac izrade Plana je Zavod za planiranje razvoja Kantona Sarajevo.

Donošenje Plana

Član 8.

Nosilac izrade Plana će izraditi Prijedlog plana i dostaviti ga Nosiocu pripreme Plana, Općinskom načelniku. Nosilac pripreme Plana utvrditi će Prijedlog plana i podnijeti ga Općinskom vijeću Centar Sarajevo na donošenje.

Ostale odredbe

Član 9.

Subjekti planiranja su: Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Grad Sarajevo, Općina Centar Sarajevo, Zavod za izgradnju Kantona Sarajevo, Kantonalni zavod za zaštitu kulturno-historijskog i prirodnog naslijeđa, Zavod za planiranje razvoja Kantona Sarajevo, komunalna i javna komunalna preduzeća, vlasnici i korisnici zemljišta.

Član 10.

Sastavni dio ove Odluke je grafički prilog sa ucrtanom granicom područja planiranja.

Član 11.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".



Broj: 01/19-7111/22
Sarajevo, 01.12.2022. godine

Ova odluka objavljena je na oglasnoj ploči Općine Centar Sarajevo dana 05-12-2022

Na osnovu člana 25. stav (7), člana 32. stav (3) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 10. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04), Općinsko vijeće Općine Centar Sarajevo, na 23. redovnoj sjednici održanoj dana 01.12.2022. godine, donijelo je

**ODLUKA O PROVOĐENJU
IZMJENE I DOPUNE REGULACIONOG PLANA
„POSLOVNA ZONA ŠIP”
Izgradnja sportskog i dječjeg igrališta na parcelama
k.č.br. 657/6 i 660/1 K.O. Sarajevo VI
(Skraćeni postupak)**

Član 1.

Ovom Odlukom utvrđuju se uslovi korištenja, izgradnje, uređenja i zaštite prostora i način provođenja Izmjena i dopuna Poslovna zona "Šip" – izgradnja sportskog i dječjeg igrališta, zatim granice Izmjena i dopuna, urbanističko-tehnički uslovi za izgradnju igrališta, uslovi za uređenje građevinskog zemljišta, uređenje zelenih i slobodnih površina.

Član 2.

Granica područja planiranja obuhvata su parcele k.č.br. 657/6 i 660/1 K.O. Sarajevo VI novog premjera.

Površina obuhvata iznosi $P=0.11$ ha.

Član 3.

Izgradnja na ovom području vršit će se na osnovu Izmjena i dopuna Plana.

Član 4.

U sklopu obuhvata Izmjene i dopune Plana definisana je stambeno-poslovna zona kao pretežna namjena (već definisana Izmjenom i dopunom Regulacionim planom), površina 0.11 ha.

Član 5.

Uređenje građevinskog zemljišta se mora izvesti u obimu i na način kako je to predviđeno Izmjenama i dopunama Plana.

Izgradnja sportske plohe i dječjeg igrališta ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 6.

Urbanističko tehnički uslovi za izgradnju građevina:

Regulaciona i građevinska linija

- Regulaciona linija utvrđuje pojedinačne parcele i razdvaja površine različitih namjena u odnosu na javnu površinu, ulicu ili druge građevine od kojih mora biti odvojena zbog funkcionalnih, estetskih ili zaštitnih razloga.
- Maksimalni gabariti planirane sportske univerzalne plohe definisani su na grafičkom prilogu broj 05: Urbanističko rješenje.

Arhitektonsko oblikovanje

- U dječjem igralištu trebaju biti zastupljeni sadržaji koji utječu na razvoj fizičkih, kognitivnih, emocionalnih vještina, te na razvoj socijalnih vještina.
- Na građevinskoj parceli planiranoj za izgradnju dječjeg cicipan igrališta, moguće je planirati zone sa površinama za igre s pravilima za djecu starijih uzrasta (tinejdžere 14-16 godina), timske igre, vještačke stijene za penjanje, skejt park ili rampe za rolanje i sl.
- Sportska ploha treba biti neovisna i sa specifičnim rutama kretanja i manipulativnim prostorom koji bi trebao biti jasno izdvojen od dječje igrališne zone.
- Izradom idejnog/izvedbenog projekta sportskog i dječjeg igrališta odredit će se tačna pozicija svih elemenata, kao i njihova namjena, a sve prema potrebama i datim uvjetima terena.
- Sav planirani sadržaj unutar obuhvata mora biti isprojektovan i izveden prema Uredbi o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo", broj 52/20).

Ostali uslovi

- Nivelacione kote pješačkog ulaza u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu.
- Moguće je odstupanje u odnosu na zadate visinske kote, u zavisnosti od uređenja terena tj. nivelete prilaza i ulaza u sportsko i dječje igralište, koje će se definisati glavnim projektom.
- Priključke na mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana.
- Uređenje terena, potporni zidovi, i slično moraju se izvesti tako da ne narušavaju mikro ambijent i uslove stanovanja na susjednim parcelama, uz rješavanje oborinskih voda na vlastitoj parceli.

Član 7.

- Zelenilo treba da čini minimalno 30 % od ukupne površine obuhvata Izmjene i dopune Plana, s tim da u njegovom sastavu dominiraju elementi prve vegetacione etaže (stblašice) u odnosu na elemente druge i treće vegetacione etaže (grmlje i trava) u omjeru 70/30%.
- Aktivnosti na realizaciji i uređenju zelenih površina dječjeg igrališta, bazirati na adekvatnoj tehničkoj dokumentaciji, tj. idejnim/izvedbenim projektima hortikulture, koji su sastavni dio Projektne dokumentacije za izgradnju igrališta, a treba da su urađeni u skladu sa smjericama ovog Plana.
- Projekti moraju biti urađeni od strane stručnog i odgovornog lica i /ili registrovane firme za projektovanje zelenih površina.

- Radovi na uređenju hortikulture moraju biti završeni prije tehničkog prijema i otvaranja igrališta. Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.
- Sadni materijal odabranih vrsta, prvenstveno dendroflora, ali i ostalih elemenata biološke komponente (perene, sezonsko cvijeće i trava) moraju biti visokog kvaliteta, rasadnički odnjegovane uz obavezan certifikat, te osim parametrima: uzrastom, razvijenošću debla, krošnje i korijenovog sistema, moraju odgovarati mikrostanišnim uslovima sa mogućnošću njege u prvim godinama nakon sadnje.
- Prilikom izgradnje igrališta, staza i sl., treba skidati sloj plodnog zemljišta i koristiti ga kod formiranja zelenih površina svih kategorija u obuhvatu Plana, ali i šire.

Član 8.

Izgradnja objekata privremenog karaktera može se odobriti isključivo za potrebe gradilišta, a u skladu sa članom 64. Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/18).

Član 9.

Projektna dokumentacija za realizaciju sportske plohe i dječjeg igrališta mora biti u saglasnosti sa preporukama vezanim za konstruktivne elemente građevina i radova na okolnom terenu na osnovu inženjersko-geološkog i geotehničkog izvještaja, koji treba biti urađen od strane ovlaštene firme ili institucije.

Statički proračun građevina mora se dimenzionirati za potrebe najmanje 8° MCS.

Obim i kvalitet izvedenih radova vezanih za geo-inženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 10.

U postupku donošenja urbanističke saglasnosti i odobrenja za građenje, nivelete pješačkih saobraćajnica, kao i prilazi i ulazi u sportsku plohu i dječje igralište, moraju biti projektovani i izvedeni prema Uredbi o urbanističko-tehničkim uslovima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 11.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj: 01-19-7113/22

Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar dana 05-12-2022

Na osnovu člana 25. stav (7), člana 32. stav (3). i člana 38. Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/18), te člana 10. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04), Općinsko vijeće Centar Sarajevo je na 23. redovnoj sjednici održanoj dana 01.12.2022. godine, donijelo je

**ODLUKU O PROVOĐENJU
REGULACIONOG PLANA STAMBENO NASELJE "GREEN BUILDING RESORT"
POLJINE**

Član 1.

Ovom Odlukom utvrđuju se uslovi korištenja, izgradnje, uređenja i zaštite prostora, urbanističko-tehnički uslovi za izgradnju građevina, uslovi za uređenje građevinskog zemljišta, uređenje zelenih i slobodnih površina, odnosi prema postojećim objektima i način provođenja Regulacionog plana Stambeno naselje „Green Building Resort“ (u daljem tekstu: Plan).

Član 2.

Granica područja za koju se Plan radi:

Granica obuhvata polazi od četveromeđe parcela k.č. 768, 752, 763 i 767/2, zatim produžava na sjever, te jugoistok idući međama parcela k.č. 767/2, 766/5, 7, 766/3 i 766/1 (obuhvata ih) i dolazi do tromede parcela k.č. 766/1, 769 i 774. Granica potom skreće na jug, te zapad idući međama parcela k.č. 766/1, 766/2, 767/1 i 767/2 (obuhvata ih) i dolazi do mjesta odakle je opis granice i počeo.

Sve gore navedene parcele se nalaze u K.O. Poljine, Općina Centar Sarajevo. Površina obuhvata iznosi $P=0,82$ ha.

Član 3.

U sklopu obuhvata ovog Plana definisane su zone sa sljedećim namjenama:

- Zona stanovanja (stambena zona) - 4.5372m²
- Zona društvene infrastrukture - 700m²
- Saobraćajne površine - 1.972m²

Član 4.

Kod urbanističkog rješenja prostora (položaja novoplaniranih objekata, njihovih vertikalnih i horizontalnih gabarita), vođeno je računa o geomorfologiji i nagibima terena, te preporukama datim u Elaboratu o inženjersko - geološkim i geomehničkim karakteristikama terena, kao načina modifikacije i „dizajniranja“ padine u smislu efikasne mjere kod sprečavanja nastanka eventualnog klizišta.

Spratnost novoplaniranih objekata u ovisnosti o veličini parcele i koeficijentima izgrađenosti iznosi od PoSP do Po2SP1.

Urbanističko-tehnički uslovi za planirane građevine:

Regulaciona linija, građevinska linija i spratnost objekata:

- Građevinske parcele utvrđene su regulacionom linijom i definisane su u grafičkom dijelu Plana;

- Izrada planskog dokumenta vrši se na ažurnoj geodetskoj podlozi sa ucrtanim postojećim parcelama i dostavljenim podacima o posjedovnom (katastarskom) stanju dobivenom od nadležne institucije. Ukoliko se prilikom pribavljanja urbanističke saglasnosti za izgradnju na planiranim parcelama ustanove odstupanja u katastarskom stanju, odnosno granicama parcela starog (vlasništvo) i novog premjera (posjedovno stanje), usklađivanje razlika u navedenim katastrima vrši nadležna općinska služba;
 - Planom utvrđene parcele, moguće je, zavisno od potrebe potencijalnih investitora spajati, pri čemu se ne može mijenjati planirani saobraćajni koncept i utvrđena distanca građevinskih linija u odnosu na saobraćajnice;
 - Građevinska linija utvrđuje dio građevinske parcele na kojoj je moguće izgraditi građevinu, u sklopu koje se može formirati tlocrtno rješenje objekta, a istu ne može preći najistureniji dio objekta;
 - Izgradnja objekata može se vršiti samo na prethodno uređenom građevinskom zemljištu. Osiguranje priključaka novim objektima ne smije ugroziti funkciju i kapacitet postojeće infrastrukture;
 - Priključke na saobraćajnice i mrežu komunalnih instalacija treba u svakom konkretnom slučaju posebno projektovati, a u skladu sa Planom i važećim normativima za predmetne vrste priključaka. Obavezno je projektovanje brojila za sve vrste instalacija i njihovo ugrađivanje za potrebe svakog potrošača;
 - Na pojedinim objektima su utvrđene dvije ili više građevinskih linija: građevinska linija osnovnog gabarita objekta i građevinska linija podruma ili jedne i više etaža sa stepenastim povlačenjem u cilju prilagođavanja gabarita objekta konfiguraciji terena;
 - Maksimalna spratna visina prizemlja sa poslovnom namjenom je 3.5m Maksimalna konstruktivna visina spratnih stambenih etaža je 3.2m (konstruktivna visina etaže se mjeri od gornje kote međuspratne konstrukcije jedne do gornje kote međuspratne konstrukcije sljedeće etaže).
 - Koeficijent izgrađenosti je odnos između ukupnog BGP-a objekta nadzemnih etaža i površine parcele. Kod računanja ukupnog BGP-a objekta ne uzima se u obzir podrumaska etaža, dok se suterenska etaža računa do 75% ukupne površine iste.
 - Građevinska linija podrumске i suterenske etaže može biti i veća od građevinske linije osnovnog gabarita objekta, ali samo na dijelu koji je cijelom površinom ukopan u odnosu na uređeni teren, a za potrebe rješavanja saobraćaja u mirovanju odnosno realizaciju garažiranja. Udaljenost građevinske linije podruma u odnosu na susjednu parcelu je minimalno 1,0 m., zbog mogućnosti realizacije zaštite građevinske jame. Kod realizacije navedene podrumске etaže voditi računa da se ne ugrozi stabilnost objekata na susjednim parcelama;
 - Projekat osiguranja građevinske jame je obavezan ukoliko se radi o interpolaciji između dva objekta, ili ukoliko se radovi izvode u neposrednoj blizini egzistirajućih objekata;
 - Moguća je i realizacija više podzemnih (podrumskih) etaža u utvrđenoj građevinskoj liniji, a naročito za rješavanje saobraćaja u mirovanju odnosno realizacije garažiranja;
 - Spratnost, odstojanje građevinskih linija planiranih objekata, regulacione linije građevinskih parcela i građevinske linije svih etaža utvrđeni su Planom i ne mogu se mijenjati. Svi urbanističko-tehnički uslovi prikazani su na grafičkim priložima koji su sastavni dio Plana i Odluke o provođenju. Nazivi etaža u planu su: podrum („Po“), suteran („S“), prizemlje („P“), spratovi („1“, „2“, ...).
 - Spratnost objekata na kosom terenu odnosi se na dio vertikalnog gabarita objekta lociranog na nižoj strani uređenog terena, odnosno računa se od kote najnižeg ruba uređenog terena uz građevinu;
-
- Podrumom (Po) se smatra najniža etaža zgrade koja je sa svih strana objekta ukopana više od 90% u odnosu na postojeći uređeni teren. Može se realizirati i više podrumskih etaža pod uslovom da se obezbijede odgovarajuće tehničke mjere u cilju zaštite od podzemnih i površinskih voda kao i obrušavanja terena (projekat zaštite građevinske jame);

- Suterren (S) je etaža ukopana u teren sa tri strane i slobodnim pročeljem, kao i etaža koja je ukopana u odnosu na uređen teren svog vertikalnog volumena 50% i više;
- Kod objekata sa ravnim krovom visina atike je cca 70 cm u odnosu na završni sloj ravnog krova. Stubišna vertikala može biti iznad završne kote ravnog krova.

Arhitektonsko oblikovanje:

Arhitektonsko oblikovanje i materijalizaciju kod izgradnje objekata potrebno je prilagoditi postojećem ambijentalnom izrazu. Kod izgradnje novih ili zamjenskih objekata slijediti:

- Kod arhitektonskog oblikovanja objekata birati slobodnije funkcionalno oblikovanje, sa jednostavnim, mirnim arhitektonskim linijama i formom jednostavnih kubusa. Savremeni način tretiranja fasade odnosi se na aspekt forme, kolorita i upotrebu savremenih materijala;
- Kod objekata planiranih na kosom terenu preporučuje se stepenasto povlačenje vertikalnog gabarita objekata prateći pad terena, kako bi se vizuelno ublažio vertikalni volumen;
- Sa aspekta kolorističke obrade fasade izbjegavati jarke i intenzivne boje, a preporučuje se ublažena bijela ili svijetlo pastelne u kombinaciji sa neutralnim nijansama.

Završna etaža i krovšte:

Krovovi objekata mogu biti dvovodni, viševodni ili ravni. Kod objekata sa dvije ili više kosih krovnih ravni, jedna streha mora biti paralelna sa saobraćajnicom, odnosno jedna krovna ravan mora biti sa nagibom orjentisanim prema ulici.

Objekti sa podrumskom etažom kao i dijelovi povučениh etaža moraju imati ugrađeni zeleni krov, bilo da je on biotopski, ekstenzivni ili intenzivni. Ravni krov (završna krovna ravan) takođe mora biti ozelenjen.

Kod objekata sa dvovodnim i viševodnim kosim krovom, jedna krovna ravan mora biti sa nagibom orjentisanim u smjeru pada terena, odnosno strehom paralelnom sa izohipsama. Ne dozvoljava se primjena mansardnog i bačvastog oblika krova.

Ostali uslovi:

- Nivelacione kote prizemlja planiranih objekata u odnosu na saobraćajnicu – ulicu utvrdit će se na osnovu nivelacionih kota saobraćajnica datih u Planu;
- Nivelaciona kota prizemlja ili suterena u objektima u kojima je predviđen poslovni prostor mora se izvesti najmanje 15 cm više od kote niveleta pločnika;
- Nivelete pješačkih površina kao i prilazi i ulazi u građevine, moraju biti isprojektovani i izvedeni prema Uredbi o urbanističko – tehničkim uslovima, prostornim standardima i normativima za otklanjanje i sprečavanje stvaranja arhitektonsko – urbanističkih barijera za kretanje invalidnih lica koja koriste tehnička i ortopedska pomagala („Službene novine Kantona Sarajevo“, broj 5/00);
- Priključke na saobraćajnice i mrežu komunalne infrastrukture treba u svakom konkretnom slučaju projektovati u skladu sa Planom (važecim tehničkim

normativima), a na osnovu faza komunalne infrastrukture koje su sastavni dio Plana.

Član 5.

Elaborat o inženjersko-geološkim i geomehaničkim karakteristikama terena za potrebe izrade Regulacionog plana „Green Building Resort“ urađen je od strane „Geobosna“ d.o.o. u decembru 2020. godine, i sastavni je dio Plana. Elaboratom su utvrđene kategorije terena sa aspekta stabilnosti i propisani uslovi za izgradnju objekata.

Član 6.

Prije izdavanja odobrenja za građenje arhitektonskih objekata potrebno je pribaviti inženjersko-geološki i geotehnički nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

Tehnička dokumentacija za realizaciju objekata mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu na osnovu detaljnog inženjersko-geološkog i geotehničkog izvještaja, koji treba biti urađen od strane ovlaštene firme.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 7.

Prizemlja ili sutereni planiranih objekata mogu se pretvarati u poslovni prostor.

U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš, ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima (u odnosu na djelatnosti koje se u njima obavljaju).

Član 8.

Uređenje građevinskog zemljišta se mora izvesti u obimu i na način kako je to predviđeno Planom.

Izgradnja građevina ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Član 9.

Izgradnja objekata privremenog karaktera može se odobriti isključivo za potrebe gradilišta, a isti se moraju ukloniti prije tehničkog prijema.

Član 10.

Ograde kod stambenih objekata mogu se odobriti samo ukoliko nisu betonske. Ograde moraju biti transparentne i max. visine do 1.80m, sa napomenom da se na trokutovima preglednosti ne mogu postavljati ograde čija visina prelazi 0,6 m.

Član 11.

Saobraćajne površine, površine za parkiranje i garažiranje vozila utvrđene su planom-faza saobraćaja.

Unutar trokuta preglednosti u zonama saobraćajnih čvorova se ne mogu postavljati ograde, vršiti sadnja visokog zelenila ili graditi druge fizičke strukture čija visina prelazi 0,6 m.

Parkiranje – garažiranje, uključujući i pristupne garažne rampe za podzemne parking etaže moraju se obezbijediti u sklopu pripadajuće parcele ili unutar gabarita objekta.

Prilikom izdavanja urbanističke saglasnosti, a na osnovu tražene brutto građevinske površine i namjene, neophodno je odrediti broj parking – garažnih mjesta i to na sljedeći način:

- za stambenu izgradnju 1 stan - 1 parking mjesto,
- za poslovne sadržaje jedno parking mjesto na 60 m² / BGP.

Parkiranje i garažiranje vozila za potrebe stanovanja mora se obezbjediti na parceli koja pripada stambenom objektu. Garaža se može na parceli locirati u sklopu stambenog objekta, odnosno u okviru utvrđene građevinske linije. Objekti garaže mogu biti samo prizemni i namjena garažnog prostora ne može se mijenjati.

Građevinska linija podrumске i suterenske etaže može biti i veća od građevinske linije osnovnog gabarita objekta, ali samo pod uslovima koji su utvrđeni u članu 4. ove odluke za potrebe rješavanja garažiranja.

Interni saobraćaj, koji je u grafičkom prilogu definisan u okviru građevinskih parcela sa stambeno-poslovnim objektima, realizuje sam investitor. Prikazani interni saobraćaj u okviru navedenih parcela može se i mijenjati, ali pod uslovom da se zadovolji propisan broj parking mjesta i minimum 20% zelenila.

Član 12.

Zaštitni pojas uz javne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste. U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste organ nadležan za prostorno uređenje obavezan je zatražiti prethodnu saglasnost, odnosno odobrenje od upravitelja ceste, shodno članu 58. Zakona o cestama u Federaciji Bosne i Hercegovine („Službene novine Federacije BiH“, broj 12/10, 16/10 i 66/13). Zaštitni pojas u smislu stava 1. ovog člana mjeri se od vanjskog ruba zemljišnog pojasa tako da je u pravilu širok sa svake strane:

- autoceste 40m,
- brze ceste 30m,
- magistralne ceste 20m,
- regionalne ceste 10m,
- lokalne ceste 5m.

Član 13.

Idejnim rješenjima faza: saobraćaja, hidrotehnike, elektroenergetike, telekomunikacija i energetike koje su sastavni dio ovog Plana, utvrđene su tehničke mogućnosti i uslovi priključenja na javnu komunalnu infrastrukturu objekata planiranih unutar obuhvata Plana.

Član 14.

Površine utvrđene kao zelene površine ne mogu se koristiti za druge namjene, niti se mogu graditi objekti koji nisu u skladu sa funkcijom koju ta kategorija zelenila treba da ostvari.

Zelenilo, odnosno prirodan teren hortikulturno uređen, treba da čini minimalno 20 % od ukupne površine građevinske parcele, s tim da u njegovom sastavu dominiraju elementi prve vegetacione etaže (štablašice).

Aktivnosti na realizaciji i uređenju zelenih površina bazirati na adekvatnoj tehničkoj dokumentaciji, tj. Idejnim/Izvedbenim projektima hortikulture, koji su sastavni dio Projektne dokumentacije za izgradnju objekata, a treba da su urađeni u skladu sa Idejnim rješenjem hortikulture, koja je sastavni dio Plana.

Projekti moraju biti urađeni od strane stručnog i odgovornog lica i /ili registrovane firme za projektovanje zelenih površina;

Radovi na vanjskom uređenju sa hortikulturom moraju biti završeni prije tehničkog prijema i otvaranja objekata. Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

Sadni materijal odabranih vrsta, prvenstveno dendroflora, ali i ostalih elemenata biološke komponente moraju biti visokog kvaliteta, rasadnički odnjegovane uz obavezan certifikat,

te osim parametrima: uzrastom, razvijenošću debla, krošnje i korijenovog sistema, moraju odgovarati mikrostanišnim uslovima.

Prilikom izgradnje treba skidati sloj plodnog zemljišta i koristiti ga kod formiranja zelenih površina svih kategorija u obuhvatu Plana, ali i šire.

Član 15.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03, 22/06 i 43/10) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa („Službene novine Federacije BiH“, broj 21/05 i 59/07).

Član 16.

(Upravljanje otpadom)

Prostore za odlaganje kućnog otpada - kontejnere predvidjeti u okviru vanjskog uređenja parcele jedne ili više kolektivnih objekata, ili utvrditi prostoriju u okviru samog objekta. Kod izrade projektne dokumentacije za realizaciju kolektivnih stambenih i drugih objekata neophodno je planirati lociranje prostora za odlaganje otpada (kontejnera) i to: na cca 15 stambenih jedinica planirati 1 kontejner, odnosno na 1000 m² BGP-a. Sistem upravljanja otpadom u obuhvatu Plana mora funkcionisati u skladu sa odredbama Zakona o komunalnoj čistoći („Sl. novine Kantona Sarajevo“, br. 14/16, 34/16, 19/17), kao i drugih zakonskih i podzakonskih akata iz predmetne oblasti.

Član 17.

(Kvalitet zraka i klimatske promjene)

U cilju smanjenja negativnih uticaja planskih rješenja na kvalitet zraka i klimatske promjene potrebno je implementirati sljedeće mjere:

- Objekte u obuhvatu Plana projektovati i izvoditi kao energetske efikasne objekte;
- Prilikom izgradnje i eksploatacije objekata koristiti savremenu opremu i primjeniti praksu rada koja će imati minimiziran uticaj na kvalitet zraka;
- Prilikom izgradnje objekata koristiti postojeće puteve, te vršiti redovno prskanje radno-manipulativnih površina radi smanjenja disperzije prašine na gradilištima i u okolini.

Član 18.

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u „Službenim novinama Kantona Sarajevo“.

Predsjedavajući Općinskog vijeća



Broj:01/19-7110/22
Sarajevo, 01.12.2022. godine

Ova odluka objavljena je na oglasnoj ploči Općine Centar Sarajevo dana

05 -12- 2022

Na osnovu člana 13. stav 2. Zakona o principima lokalne samouprave u Federaciji BiH ("Službene novine FBiH", br. 49/06 i 51/09), čl. 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i člana 6. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22 i 45/22), Općinsko vijeće Centar Sarajevo je, na 23. redovnoj sjednici, održanoj dana 01.12.2022. godine, donijelo

O D L U K U

o stavljanju van snage Odluke broj: 01-19-3294/22 od 02.06.2022. godine

Član 1.

Ovom odlukom stavlja se van snage Odluka broj: 01-19-3294/22 od 02.06.2022. godine o dodjeli u zakup poslovnih prostorija Općine Centar Sarajevo u ulici Đoke Mazalića br.1 (ulaz iz ulice Hiseta do br.15), površine 54 m², Poturović Almiru iz Sarajeva.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-19-7118/22
Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar Sarajevo dana 05-12-2022

Na osnovu člana 13. stav 2. Zakona o principima lokalne samouprave u Federaciji BiH ("Službene novine FBiH", br. 49/06 i 51/09), čl. 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i člana 6. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22 i 45/22), Općinsko vijeće Centar Sarajevo je, na 23. redovnoj sjednici, održanoj dana 01.12.2022. godine, donijelo

ODLUKU

o stavljanju van snage Odluke broj: 01-19-4145/21 od 29.07.2021. godine

Član 1.

Ovom odlukom stavlja se van snage Odluka broj: 01-19-4145/21 od 29.07.2021. godine o dodjeli u zakup poslovnih prostorija Općine Centar Sarajevo u ulici Alekse Šantića 8/III, površine 236 m², pravnom licu „Knowledge“ d.o.o. Sarajevo – „Znanje“ d.o.o. Sarajevo.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-19-7116/22
Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar Sarajevo dana 05-12-2022

Na osnovu člana 25. stav (7), člana 32. stav (3) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 10. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04), Općinsko vijeće Općine Centar Sarajevo, na 23. redovnoj sjednici održanoj dana 01.12.2022. godine, donijelo je

**ODLUKA O USVAJANJU
IZMJENE I DOPUNE REGULACIONOG PLANA
„POSLOVNA ZONA ŠIP”
Izgradnja sportskog i dječjeg igrališta na parcelama
k.č.br. 657/6 i 660/1 K.O. Sarajevo VI
(Skraćeni postupak)**

Član 1.

Usvajaju se Izmjene i dopune Regulacionog plana „Poslovna zona Šip“, izgradnja sportskog i dječjeg igrališta na parcelama k.č.br. 657/6 i 660/1 K.O. Sarajevo VI, po skraćenom postupku (u daljem tekstu: Plan).

Član 2.

Plan se sastoji od tekstualnog i grafičkog dijela.
Tekstualni dio sadrži:

- Odluku o provođenju Plana
- Tekstualno obrazloženje Plana

Grafički dio sadrži:

- Urbanizam prezentiran na odgovarajućem broju tematskih karata
- Analitičku obradu građevinskih parcela
- Idejno rješenje saobraćaja
- Idejno rješenje snabdijevanje vodom i odvodnja i tretman otpadnih voda
- Idejno rješenje elektroenergetike
- Idejno rješenje energetike
- Idejno rješenje hortikulture

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Centar – Služba za prostorno uređenje i investicije i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u „Službenim novinama Kantona Sarajevo”.

Broj: 01-19-7112/22

Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar dana

Na osnovu člana 25. stav (7), člana 32. stav(3). i člana 38. Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/18), te člana 10. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), Općinsko vijeće Centar Sarajevo na 23. redovnoj sjednici održanoj dana 01.12.2022. godine, donijelo je

ODLUKU
O USVAJANJU REGULACIONOG PLANA
STAMBENO NASELJE "GREEN BUILDING RESORT" POLJINE

Član 1.

Usvaja se Regulacioni plan Stambeno naselje "Green Building Resort" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostora sa namjenom površina i urbanističko-tehničkim uslovima za izgradnju u okviru Plana;
- Odluku o provođenju Plana.

Grafički dio sadrži:

Faza urbanizma prezentirana na odgovarajućem broju tematskih karata i to:

1.	Ažurna geodetska podloga /april/travanj 2021.god.	1:1000
2.	Izvod iz Prostornog plana	1:250
2a.	Prikaz postojećeg stanja na satelitskom snimku	1:2500
3.	Inžinjersko - geološka karta	1:500
4.	Postojeće stanje /posjedovno stanje, prirodni i stečeni uslovi/	1:1000
5.	Planirana namjena površina	1:1000
6.	Urbanističko rješenje /Razmještaj, namjena i spratnost objekata/	1:1000
7.	Mreža građevinskih i regulacionih linija	1:1000

Faze:

- Idejno rješenje saobraćaja
- Energetika - Idejno rješenje
- Elektroenergetika - Idejno rješenje
- Hidrotehnika - Idejno rješenje
- Telekomunikacije- Idejno rješenje
- Idejno rješenje hortikulture
- Analitička obrada građevinskih parcela

Član 3.

Po jedan primjerak ovjerenog elaborata Plana nalazi se na stalnom javnom uvidu i čuva se u službi dokumentacije Općine Centar Sarajevo - Služba za prostorno uređenje i investicije i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u „Službenim novinama Kantona Sarajevo“.

Predsjedavajući Općinskog vijeća

mr. Sejad Dozo



Broj: 01/19-7109/22
Sarajevo, 01.12.2022. godine

Ova odluka objavljena je na oglasnoj ploči dana 05-12-2022

Na osnovu člana 13. stav 2. Zakona o principima lokalne samouprave u Federaciji BiH ("Službene novine FBiH", br. 49/06 i 51/09), čl. 10. i 68. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) i člana 6. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17, 21/18, 23/21, 24/22, 31/22 i 45/22), Općinsko vijeće Centar Sarajevo je, na 23. redovnoj sjednici, održanoj dana 01.12.2022. godine, donijelo

ODLUKU

o stavljanju van snage Odluke broj: 01-19-4146/21 od 29.07.2021. godine

Član 1.

Ovom odlukom stavlja se van snage Odluka broj: 01-19-4146/21 od 29.07.2021. godine o dodjeli u zakup poslovnih prostorija Općine Centar Sarajevo u ulici Čekaluša 23, površine 105 m², pravnom licu „Knowledge“ d.o.o. Sarajevo – „Znanje“ d.o.o. Sarajevo.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-19-7117/22

Datum: 01.12.2022. godine

Predsjedavajući Općinskog vijeća

mr. Sejad Đozo



Ova odluka objavljena je na oglasnoj ploči Općine Centar Sarajevo dana **05-12-2022**